



Kristian Jeremiassen, Siumut
-/Maani

Pilersuisumi neqeroorutit pillugit § 37 napertorlugu apeqqummut akissut

Asasara Kristian Jeremiassen

Apeqqtinnut qujanaq, taakku ataani akineqarput:

1. Sooruna Pilersuisoq illoqarfinni unammillerfiusuni taamaallaat neqeroorutit ingerlakkai?

Nioqutissanik pilersuineq pillugu Namminersorlutik Oqartussat Pilersuisumut sullissinissaq pillugu isumaqatigiissuteqarput, tassanilu ilaatigut tunngaviumik nioqutissat suut pisisartut sumiiffinni pisiniarfinni pisiarisinnaassaneraat piumasaqaateqarpoq.

Pilersuisup illoqarfinni unammillerfiusuni – Nanortalik, Narsaq, Paamiut aamma Aasiaat – neqeroorutai ingerlataaluunniit sullissinissaq pillugu isumaqatigiisummi tassani killilersorneqanngillat. Pilersuisup aalajangertarpaa illoqarfinni unammillerfiusuni sumiiffinnilu sullissinissaq pillugu isumaqatigiisummi ilaasuni sunik neqeroorutigineqassanersut.

Pilersuisup ilisimatitsissutigaa 2014-imi januarimi, februarimi martsimilu taamaallaat illoqarfinni Nanortalimmi, Narsami, Paamiuni Aasiannilu neqerooruteqartoqartoq, tassa taakku RAL-imit akuttunngitsumik tikinneqartarmata.

Tamassuma saniatigut pisiniarfinni taakkunani tunngaviumik nioqutissaqarnissaa piumasaqaataaangilaq. Tamassuma neqerooruteqartarnissap pilersaarusiornissaa ingerlannissaalu ajornannginnerulersippaa. Pisiniarfiit sullissinissaq pillugu isumaqatigiisummi ilaasut neqerooruteqarneq pissutigalugu tunngaviumik nioqutissanik nunguutsissappata nioqutissat timmisartumik assartorneqanngippata 100.000 kr. tikillugit pillaaammik akiliisinneqariaannaavoq.

2. Illoqarfinni unammillerfiusuni Pilersuisoq neqeroorutit ingerlatai isorliunerusuni pisisartut akilingarivaat?

Pilersuisup ilisimatitsissutigaa illoqarfinni taaneqartuni sisamani nioqutissat akikillissat suliffeqarfirmut iluanaarutaasartut, taamaalillunilu avinngarusimasuni pisisartunut nammatassaanatik.

Sullissinissaq pillugu isumaqatigiisummi § 6.02 ingerlatat akornanni tapiissuteqartarnissaaq inertequtaavoq, tassaasut sullissinissaq pillugu isumaqatigiisut aamma KNI-p ingerlatai, immikkoortortaarfii suliffeqarfiiluunniit allat. Taamaalilluni ingerlatat niuerneq tunngavigalugu ingerlanneqartut aamma ingerlatat Namminersorlutik Oqartussat Pilersuisumut akilertagaasa akornanni akulerissitsisoqassanngilaq.

25-02-2014
Sags nr. 2014-095976
Dok. nr. 1498589

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.naalakkersult.gl

**3. Pilersuisoq Pilersuisoqarfinni tamani assingiimmik neqeroorutit
ingerlatilissamaarpai?**

Pisiniarfinni tamani neqerooruteqartarnissamik Pilersuisoq maannakkut
pilersaaruteqanngilaq. Pisiniarfiilli ataasiakkaat pisiniarfinni pineqartuni nioqqutissanik
sinneruttunik neqerooruteqartarnissamut periarfissaqarput.

Neriuppunga Pilersuisup pisiniarfii pillugit apeqqutitit qulaani akineqartut.

Inussiarnersumik inuulluaqqusillunga



Steen Lyngø